

დმანისის მუნიციპალიტეტის საკრებულოს წევრის, საკრებულოს თავმჯდომარის, პაატა ფულიაშვილის 2023-2024 საანგარიშო წელს გაწეული მუშაობის ანგარიში

მინდა ავლნიშნო, რომ როგორც საკრებულოს თავმჯდომარემ 2023 წლის ნოემბრიდან 2024 წლის ნოემბრმდე ვუხელმძღვანელე დმანისის მუნიციპალიტეტის საკრებულოს მიერ ჩატარებულ სხდომებს, რომელზეც განვიხილეთ სხვადასხვა საკითხი, საერთო ჯამში ჩატარებული იქნა 14 საკრებულოს სხდომა, განხილული საკითხების რაოდენობამ შაეადგინა 110.

ჩემი ხელმძღვანელობით ჩატარდა მუნიციპალიტეტის საკრებულოს ბიუროს 14 სხდომა, განხილული იქნა 109 საკითხი.

ასევე ვარ საკრებულოს საფინანსო - საბიუჯო და სამანდატო საპროცედურო და ეთიკის კომისიების წევრი, სულ ჩატარდა 25 სხდომა სადაც, მონაწილეობა მივიღე კომისიების კომპეტენციაში შემავალი 49 საკითხის განხილვაში.

2023 წლის 28 ნოემბერს განვიხილეთ და დავამტკიცეთ დმანისის მუნიციპალიტეტის 2024 წლის ადგილობრივი ბიუჯეტი 19 988,8 ლარით, რაც წინა წელთან შედარებით გაზრდილია 3,649 ლარით.

2024 წლის იანვრიდან საკრებულოს წევრებთან, მერთან და თვითმმართველობის სხვა პასუხისმგებელ პირებთან ერთად, საქართველოს მთავრობის მიერ სოფლის მხარდაჭერის პროგრამის ფარგლებში, შეხვედრები ჩავატარეთ მუნიციპალიტეტის ყველა სოფელში, სადაც მოსახლეობასთან ერთად შევარჩიეთ სოფლისთვის საქართველოს მთავრობის მიერ გამოყოფილი 686000 ლარით განსახორციელებელი პროექტები, რომლის ნაწილისაც მერთან და საკრებულოსთან შეთანხმებით ნაწილ შემთხვევებში თანხები დავამატეთ მუნიციპალიტეტის ბიუჯეტიდან პროექტის განსახორციელებლად გამოყოფილი თანხებს. ამავე შეხვედრებმა მოგვცა იმ დროისათვის მოსახლეობაბაში არსებული გამოწვევების სრული სურათი, რაც შემდგომ აქტიურად გამოვიყენეთ პრიორიტეტების დაგეგმვისას, ძირითად პრიორიტეტებად კი გამოიკვეთა- გზების მოხრეშვა, გარე განათებების მოწყობა, სასმელი წყალი და მინი სტადიონების მოწყობა.

ასევე საკრებულოს ფრაგია „ქართული ოცნება დემოკრატიული საქართველოს“ წევრებთან ერთად აქტიური შეხვედრები განვახორციელეთ როგორც ქ. დმანისის ასევე სოფლების მოსახლეობასთან. სადაც მოსახლეობას გავაცანით მუნიციპალიტეტის მიერ დაგეგმილი ყველა ინფრასტრუქტურული პროექტის და სოციალური პროგრამების შესახებ ინფორმაცია.

მერთან ერთად შეხვედრა გავმართეთ ქ. დმანისში არსებული მრავალბინიან საცხოვრებელ კორპუსებში მცხოვრებ მოსახლეობასთან და ბინით მესაკუთრეთა ამხანაგობის განვითარების ხელშეწყობის ახალი პროგრამა გავაცანით.

როგორც გენდერული საბჭოს თავმჯდომარემ საკრებულოს წარუდგინე გენდერის საბჭოს მიერ 2023 წელს გაწეული საქმიანობის ანგარიში.

8 თებერვალს, ჩემი ხელმძღვანელობით დმანისის მუნიციპალიტეტის საკრებულოს მნიშვნელოანი სხდომა გაიმართა, სადაც პროცედურის დაცვით განხილული იქნა დმანისის მუნიციპალიტეტის მერის, კობა მურადაშვილის მიერ 2023 წელს განხორციელებული საქმიანობის ანგარიში, რომელიც მან საკრებულოს პირადად წარუდგინა.

მუნიციპალიტეტისათვის მნიშვნელოვანი გადაწყვეტილება იქნა ჩვენს მიერ მიღებული საზოგადოებრივ ტრანსპორტთან დაკავშირებით, კერძოდ: 12 თებერვლიდან დმანისი - თბილისი, გომარეთი-თბილისის მიმართულებით მუნიციპალურმა ტრანსპორტმა (ახალი ავტობუსები) დაიწყო მოძრაობა, ავტობუსი თბილისში, ორთაჭალის ავტოსადგურში ჩერდება. მუნიციპალურ ტრანსპორტში გადახდის საბარათე სისტემა მოქმედებს.

კოლეგებთან ერთად აქტიური მონაწილეობა მივიღე, თვითმმართველობის მიერ განხორციელებულ ყველა კულტურულ თუ სპორტულ ღონისძიებაში, მათ შორის მათი დაგეგმვის პროცესშიც (შობა, ნოვრუზ ბაირამი, დამოუკიდებლობის დღე, დმანისობა და სხვა).

თებერვლის თვეში მუნიციპალიტეტის ორგანიზებით დარგის ექსპერტებთან, თეთრიწყაროს მუნიციპალიტეტის წარმომადგენლებთან და სხვადასხვა არასამთავრობო ორგანიზაციებთან- სამოქალაქო საზოგადოებასთან, მოქალაქეებთან საჯარო კონსულტაცია გავმართეთ, სადაც მიუსაფარი ცხოველების მართვის პოლიტიკა განვიხილეთ.

16 თებერვალს ქალაქ ბოლნისის მხარეთმცოდნეობის მუზეუმში, წყლის რესურსების მართვის ახალი კანონის შესახებ ცნობიერების ამაღლების მქამე ფორუმს დავესწარი.

მონაწილეობა მივიღე ახალგაზრდობის საერთაშორისო დღესთან დაკავშირებით „ადგილობრივი თვითმმართველობის ახალგაზრდული ფორუმში, რომელიც გაიმართა ქ. რუსთავში. ასევე დავესწარით ქ. დმანისში საკრებულოს წევრებთან და მერთან კობა მურადაშვილთან ერთად მერის ახალგაზრდული სათათბიროს 2023 წლის ანგარიშს.

მონაწილეობა მივიღე საინფორმაციო კამპანიაში - დმანისის მუნიციპალიტეტში მონაწილეობითი ბიუჯეტის პროგრამის შესახებ, რომლის მეშვეობითაც მოქალაქეებს შეუძლიათ თვითონ გადაწყვიტონ, თუ რაში დაიხარჯება მუნიციპალიტეტის ბიუჯეტიდან გამოყოფილი თანხა.

ასევე საანგარიშო პერიოდში მონაწილეობა მივიღე ქვემო ქართლში სახელმწიფო რწმუნებულის, ხელმძღვანელობით, სამხარე ადმინისტრაციაში, საკონსულტაციო საბჭოს სხდომებში.

დმანისის მუნიციპალიტეტის გენდერული თანასწორობის საბჭოს ორგანიზებით, შინაგან საქმეთა სამინისტროს ადამიანის უფლებათა დაცვისა და გამომიების ხარისხის მონიტორინგის დეპარტამენტის წარმომადგენლებმა, სამართლებრივი ცნობიერების ამაღლების მიზნით, ქალთა მიმართ ძალადობის წინააღმდეგ 16-დღიანი გლობალური კამპანიის ფარგლებში, გენდერული თანასწორობის საბჭოს წევრებთან, მერიის თანამშრომლებსა და სკოლის მოსწავლეებთან საინფორმაციო ხსაიათის შეხვედრა გამართეს.

როგორც მუნიციპალიტეტში არსებულმა გენდერის საბჭოს თავმჯდომარემ საბჭოს წევრებთან ერთად შევიმუშავეთ და დავამტკიცეთ მომავალი წლის სამუშაო გეგმა, ჩავატარეთ საბჭოს სხდომები, განვიხილეთ სხვადასხვა საკითხები მათ შორის დმანისის მუნიციპალიტეტის საკრებულოს გენდერული თანასწორობის საბჭოს ორგანიზებით, შეხვედრა გავმართეთ ა/ო „მერსი ქორფსის“ (MERCY CORP) წარმომადგენლებთან, თემაზე უსაფრთხო ონლაინი: ქალთა გაძლიერება ციფრულ ეკონომიკაში. ასევე დმანისის მუნიციპალიტეტის გენდერული თანასწორობის საბჭოსა და ქართული ოცნების ქალთა ორგანიზაციის წევრებმა, საბჭოს სამოქმედო გეგმით გათვალისწინებული მარტის თვის ღონისძიებებთან დაკავშირებით, დმანისის მუნიციპალიტეტში მცხოვრები ხუთი შვილის დედას, სამი ახალშობილი ტყუპისათვის საკვები პროდუქტები გადასცეს.

მერთან და თვითმმართველობის სხვა კოლეგებთან ერთად მონაწილეობა მივიღე მუნიციპალიტეტის ტერიტორიაზე როგორც ინფრასტრუქტურული პროექტებზე მიმდინარე სამუშაოების დათვალიერებაში ასევე დასრულებული პროექტების გახსნის პროცესში.

მუნიციპალიტეტის მერთან კობა მურადაშვილთან ერთად მონაწილეობა მივიღეთ ქალაქ ბოლნისში მდებარე ა(ა)იპ „ბოლნისის ზრდასრულთა საგანმანათლებლო ცენტრში“ ქალთა სოციალურ-ეკონომიკური გაძლიერების ქვეპროგრამის ფარგლებში არაფორმალური სასწავლო კურსის დასკვნით ღონისძიებაში, სადაც შესაბამისი კურსი გაიარა 15 დმანისელმა ქალბატონმა.

კოლეგებთან და „მოძრაობა კულტურული მემკვიდრეობისთვის“ ხელმძღვანელთან, კომპანია "RMG" -ის გარემოსდაცვითი დეპარტამენტის წარმომადგენლებთან ერთად მონაწილეობა მივიღე დმანისის სიონის მიმდებარე ტერიტორიის დასუფთავების ღონისძიებაში.

მონაწილეობა მივიღე რუსთავში, პარლამენტის თავმჯდომარის, შალვა პაპუაშვილის ხელმძღვანელობით, საკონსტიტუციო ცვლილებებთან დაკავშირებით საყოველთაო-სახალხო განხილვაში.

დმანისის მუნიციპალიტეტის საკრებულოს საკონფერენციო დარბაზში, გავმართეთ დმანისის მუნიციპალიტეტის 2023 წლის ბიუჯეტის შესრულების წლიური ანგარიშის საჯარო განხილვა, რომელსაც საკრებულოს წარმომადგენლებთან ერთად ესწრებოდნენ მერიის წარმომადგენლები, პედაგოგები, ახალგაზრდები და რიგითი მოქალაქეები.

შერიგებისა და სამოქალაქო თანასწორობის საკითხებში საქართველოს სახელმწიფო მინისტრთან, ქვემო ქართლში სახელმწიფო რწმუნებულთან და დმანისის მუნიციპალიტეტის ხელმძღვანელ პირებთან ერთად შევხვდით დმანისის მოსახლეობას ეთნიკური უმცირესობების წარმომადგენლების ინფორმირების და ცნობიერების ამაღლების სახელმწიფო პროგრამებისა და სერვისების, სხვადასხვა მიმდინარე აქტუალური საკითხის გაცნობის მიზნით.

დმანისის მუნიციპალიტეტმა იაპონიის საელჩოს მიერ გამოცხადებულ (ggp) ჯიჯიპი საგრანტო პროგრამის ფარგლებში მოპოვებული გრანტით მყარი ნარჩენების შემგროვებელი მანქანა შეისყიდა, რისთვისაც მერთან ერთად მადლობა გადავუხადეთ იაპონიის ელჩს.

დმანისში ასევე ვუმასპინძლეთ საქართველოს პარლამენტის განათლების მეცნიერების და ახალგაზრდობის საქმეთა კომიტეტის გასვლით სხდომას, რომელსაც განათლების, მეცნიერებისა და ახალგაზრდულ საქმეთა კომიტეტის თავმჯდომარე, ქვემო ქართლში სახელმწიფო რწმუნებული და განათლების, მეცნიერებისა და ახალგაზრდობის მინისტრის მოადგილე ესწრებოდნენ. შეხვედრაზე სტუმრებმა ვიზიტის ფარგლებში მერის ბალანსზე არსებული ახალგაზრული სივრცე, შვეიცარიის აგრარული სკოლა და აბულმუგის აბანო მოინახულეს, შეხვდნენ მერის სათათბიროს წევრებს და მოისმინეს მათ მიერ განხორციელებული სხვადასხვა აქტივობები.

კოლეგებთან და დარგის წარმომადგენლებთან ერთად შეხვედრა ჩავატარებთ ქალაქ დმანისის N1 საჯარო სკოლის მე-8 და მე-9 კლასის მოსწავლეებთან, სადაც მოსწავლეების მიერ დასმულ შეკითხვებს ვუპასუხეთ, რომელიც საგნის „მოქალაქეობა“ ფარგლებში გავლილ მასალას, კერძოდ თვითმმართველობის ფუნქციებს, ბიუჯეტის დამტკიცების პროცედურებს და მოქალაქეთა ჩართულობას ეხებოდა.

მონაწილეობა მივიღე საქართველოს ადგილობრივ თვითმმართველობათა ეროვნული ასოციაციის აღმასრულებელ დირექტორთან ნინო რუხაძესთან ერთად, აშშ-ის საერთაშორისო განვითარების სააგენტოს (USAID) ფართომასშტაბიან ღონისძიებაში, საუბარი გაიმართა USAID -ის პარტნიორ ქვეყნებში, მათ შორის საქართველოში, დემოკრატიის განვითარების და ინსტიტუციური გაძლიერების მიმართულებით, ორგანიზაციის მნიშვნელოვან როლზე.

საანგარიშო პერიოდში ასევე დმანისის საკრებულომ უზრუნველყო მუნიციპალიტეტის 2023 წლის ანგარიშის განხილვა ასევე 2024 წლის ბიუჯეტის კვარტალური ანგარიშების განხილვა.

ნიშანდობლივია ის გარემოებაც, რომ ზემოაღნიშნულ აქტივობებთან ერთად ასევე საკრებულოს თავმჯდომარის სამუშაო კაბინეტში, სამუშაო საათების პერიოდში მოქალაქეებთან განვახორციელე ყოველდღიური შეხვედრები, თვითმმართველობის და არა მარტო თვითმმართველობის კომპეტენციას მიკუთვნებულ საკითხებზე.

ანგრიში მითითებული აქტივობის შესახებ ინფორმაცია ხელმისაწვდომია როგორც მუნიციპალიტეტის ოფიციალურ ვებ გვერდზე dmanisi.gov.ge ასევე საკრებულოს ფეისბუქ გვერდზე

<https://www.facebook.com/profile.php?id=100080321093373>

ყოველივე ზემოაღნიშნულიდან გამომდინარე, მადლობა მინდა გადავუხადო ჩემს კოლეგებს და დმანისის ადგილობრივი თვითმმართველობის მთლიან გუნდს, საკრებულოს წევრებს, საკრებულოს აპარატს, მერს, მერის მოადგილეებს, სამსახურის თანამშრომლებს და მუნიციპალიტეტის მიერ დაფუძნებულ კომერციულ თუ არაკომერციულ იურიდიული პირების თანამშრომლებს.

პატივისცემით,

დმანისის მუნიციპალიტეტის  
საკრებულოს თავმჯდომარე

3. უ 7

პაატა ყულიაშვილი

15.11.2024 წელი